

得解脫佛余時笑五色光從口出天地爲大震動光照十方還繞身三而分爲兩分一分入齋中一分從頸入便不復現於是阿難即前長跪叉手白佛言佛不妄笑會當有緣佛告阿難汝所問者大善何以故此牛子母却後命盡七返生塊術天及梵天上七返生世

懷子而往因七秀

間當爲豪富家作子終不生三惡道所在常當通識宿命當供養諸佛爲懸憎幡散花燒香受持經法牛母從是因緣最後當值見弥勒佛作沙門精進不久當得羅漢道犢子亦當如是上下二十劫竟當得作佛號曰乳光

國土當名幢幡光明乳光如來得作佛時當度天上天下萬民及蜎飛蠕動之類其數當

如恒沙數余時國中人民皆壽七千歲被服飲食譬如北方尊上天下佛在世間教授四萬歲般涅槃後經法住止萬歲乃盡佛告阿難牛之子母以好心善意布施與如來乳種俱得度脫如畜生尚有善心何況作人六情

完具能別知好醜而不信明生所從來死所趣向復不知佛經戒不信布施後世當得其福人得坐慳貪故還自欺身心念惡口言惡身行惡愚癡之人皆由是故不得解脫佛說經已會中五百長者子悉發無上正真道意三千八百梵志本不信佛法聞經踊躍歡喜應時得須陀洹道五百人本不信生死罪福見佛變化悉受五戒爲清信士佛說經已比丘衆長者梵志人民皆大歡喜稽首佛足而退

## 佛說乳光佛經

## 無垢賢女經

西晉三藏法師竺法護譯

聞如是一時佛在羅閱祇耆闐崛山中與諸菩薩大弟子學士學女諸天人民阿須倫鬼神龍無央數共會時佛說經余時會中有長者梵志名曰須檀有婦名憍樓延與九百七

十五億婦人俱以手聽經時押樓懷妊是女  
在母胎中形體盡具亦於胎中以手聽經賢  
者阿那律自以功德徹視之力見此女子於  
胞胎中以手聽經即自念言想在會者目之  
所覩未能探察無形之事如我者也則自饒  
倖光色踰悅佛告阿那律汝見何等心色悅

第十經四

秀

異乃如是也阿那律言我以徹視見胎中女  
以手聽經是以熙怡用自慶耳

佛言善哉善哉如汝所言譬如衆星比日月  
光寧為等不汝於聲聞所見第一無逮汝者  
如來所觀等見十方飛鳥走獸地中諸虫皆  
有懷妊子於胎中亦悉如汝一等聽經時阿

那律及諸會者咸有疑音佛放光明徹照無極  
八方上下無所罣礙令無數刹人物所有譬  
如照鏡表裏相見阿那律等仰視虛空見飛  
鳥類停翼徘徊聽佛所說胎中之卵未生未  
孕於鳥胎中亦復舒翅布翼聽經俯視走獸  
四足之類輶草止水竦立聽經胞胎所懷亦

於胎中屈前兩足一心聽經虫蛇蝴蝶地生  
之類靜身不搖精意聽經中有懷妊子未產  
生者亦於胎中舉頭繫身一心聽經

時阿那律承佛威神以八種音問胎中女鳥  
芻蟲獸胎中之子用何等故以手舒翼屈足  
槃身一心聽經時女之等諸在胎者答阿那

律我用一切生者之類迷於五處不識正道  
是故聽經及用一切多端怒癡生死不絕是  
故聽經用一切人不孝父母不供事佛及比  
丘僧是故聽經時阿那律聞其所說長跪白  
佛憶知世尊功德威神洞徹如此我寧以身  
陷在地獄受衆苦毒累劫無數不取羅漢所

第十經五

秀

以者何諸在胞胎未見身者尚發大意念救  
一切我今用身以死畏故爲想識所縛譬如  
死人無益生者

時女乃生從右脇出三千國土爲大震動有  
無數天止在虛空兩於天華作諸音樂則有  
自然千葉蓮華大如車輪莖如瑠璃女坐其

上時諸天人飛鳥走獸虫蛇蚯蚓諸懷妊者亦皆出生譬如王者征行之時群官大小莫不隨從於是天帝即持天衣從上來下以用與女裸形可惡取此衣著忉利天子及諸王女亦皆持衣與諸衆生時女報言其有未脫欲涅槃吾等不從有所受也卿爲羅漢我志

菩薩卿非我類所願不同天帝復言我以女身裸露可惡是以持衣用相與耳女復報言於大乘法無男無女我今當有自然衣來佛語天帝如是不爲莊校女身發菩薩心自致相好所現無限乃爲莊校菩薩身耳

時舍利弗深怪此女變動乃尙前白佛言此

女從何國來到是間乎誰當送衣佛言是女從東南方擇樓延法習佛所來刹名闍浮檀國去此十万佛刹女從本國來欲見佛自當有衣從本國來衣便自然在空中來肅肅有聲空中有音則語文言可著此衣當得五通又女本國人盡得五通女得衣著便從華上

下至佛所女一舉足天地即爲六反震動一切母人皆發無上平等度意飛鳥虫獸莫不轉身即化爲人身衣天衣珠瓔服飾女以頭面聳首佛足三言南無三耶三佛長跪白佛願爲一切諸來會者廣說經法令得所願佛隨其意即爲說經

是時此女及九百七十五億母人聞佛所說踊躍歡喜不復貿身便立佛前化成男子各散自然變成珠交露帳中有七寶師子之座上有坐佛舉手讚之應時皆得阿惟越致鳥獸虫蛇得爲人者亦復脫身珠瓔寶飾以用

資女

十

散佛帳中坐佛令其所散合成寶帳亦復如前等無差特則爲達親俱得七住佛告女菩薩無垢賢女汝於胞胎爲衆生作唱導<sup>導</sup>如來等正覺亦於五道爲一切衆生作唱導佛說經已一切衆會皆大歡喜聳首而退

# 無垢賢女經

## 腹中女聽經

涼天竺三藏法師 普無識譯

佛在羅閱祇與諸菩薩比丘僧比丘尼優婆塞優婆夷及諸天人民無央數共會聽佛說經時會中有迦羅婦懷妊在座腹中子義手聽經佛欲使衆會見之便現大光明照迦羅婦座中衆人皆見腹中女義手聽經如照鏡無有異佛持八種聲問腹中女言汝義手聽經以何故耳女用佛威神即答佛言以世間人皆行十惡欲令行十善是故義手聽經又以世間人貪淫瞋恚愚癡生死不絕是故義手聽經復用世間人不孝順父母不供養沙門婆羅門道人是故義手聽經時女說是語竟便生譬喻太子從右脅生地爲六反震動虛空中有無央數天自然有音樂聲雨天衆華有自然千葉蓮華大如車輪以寶作莖狀如

腹中女听

上

卷

青瑠璃女即坐蓮華上忉利天王釋持天衣從虛空中來下與女言裸形可取此衣着之女報言我不着此衣汝欲莊校我耶汝爲羅漢我爲菩薩汝非我輩不與我同類我自當有衣來佛語拘翼此不爲莊校菩薩身發心爲菩薩自致得三十二相八十種好余乃爲莊校菩薩耳舍利弗白佛言此女爲從何國來當送衣也佛言此女從東有方佛刹來其國名清淨去此十萬佛刹女從本刹來欲見佛自當有持衣來者本國衣便自然在虛空中來肅肅有聲女見衣來便着衣當得五通又女本國人盡得五通女得衣着訖便從蓮華上下行至佛前女一舉足地爲六反震動便頭面着地爲佛作禮三言南無佛遶佛已訖便長跪白佛今座中大有諸迦羅婦願佛爲說經令得男子身佛言我亦不使汝作男子亦不使汝作女人皆自從身行得佛言有一事可疾得男子何等爲一發心爲菩薩道